

# Benarkah pengadil silat berat sebelah?

-7 AUG 1982

PENCAR SILAT

**M**ERUJUK dua surat yang ditulis oleh 'Din' dan 'Warisan Kita Hak Bersama' (BH: 31/7/82) bertajuk 'Terkejut dengan putusan Persisi dan Pengadil silat berat sebelah? saya merasa sungguh kecewa.

Tujuan dianjurkan pertandingan silat itu ialah untuk mengemban dan memperkenalkan persilatan di Singapura.

Saya sungguh hairan kenapa saudara berdua

PERSATUAN KEMUNING

hanya menyebut Perguruan Cekak dan Gagak Sakti saja yang mempunyai mutu kesenian dan persembahan yang tinggi?

Apakah penulis atau mungkin ramai lagi merasa persembahan persilatan dari perguruan-perguruan lain dalam pertandingan silat (yang berlangsung di Expo Kemuning di simpang Sims Avenue dengan Tanjung Katong Road) tidak menarik?

Mengapa saudara

berdua harus merasa kecewa dengan keputusan bahawa Silat Gayong (Pasak dan Perwanit), Gagak Sakti dan Sendeng Belalang berjaya ke peringkat akhir? Apakah benar bahawa persembahan mereka tidak mempunyai mutu keseniannya?

Penulis harus ingat bahawa pihak pengadil mempunyai pandangan mereka yang tersendiri yang berdasarkan kepada prinsip-prinsip tertentu dan bukan hanya

menurut perasaan berat sebelah untuk memilih mereka yang berjaya atau tidak.

Penulis seharusnya tidak membuat tanggapan bahawa Perguruan Cekak yang pernah menjadi johan harus terus menjadi johan sepanjang masa. Setiap yang berjaya tidak semestinya berjaya terus.

Harus diingat juga ada kemungkinan perguruan yang lain dapat membaiki dan menunjukkan kemajuan yang pesat.

Soalan yang dikemukakan pada Persisi (Persekutuan Silat Singapura) bahawa kumpulan Pasak menghantar dua regu untuk bahagian Tunas Penderkar adalah salah. Mungkin penulis tidak memerhatikan dengan teliti.

Saya sebagai pemerhati dan peminat persilatan hanya melihat seregu sahaja dari kumpulan Pasak.

Begitu juga bagi pihak 'Warisan Kita Hak Bersama' hanya terus mengatakan bahawa pengadil pertandingan berat sebelah bila perguruan kegemarannya tewas.

Bagaimana pula pada tahun-tahun yang lalu bila perguruan Pasak tewas? Apakah ia juga kerana pengadil yang berat sebelah?

**Tuntut Keadilan Yang Wajar.**